

"মিষ্টি বাচ্চারা -- তোমরা যত অন্যকে জ্ঞান শোনাবে, ততই তোমাদের বুদ্ধিতে জ্ঞান পরিশ্রুত হয়ে যাবে, এই কারণে সেবা তোমাদের অবশ্যই করতে হবে"

প্রশ্ন :- বাবার কাছে কোন্ দুই ধরনের বাচ্চারা থাকে, তাদের মধ্যে তফাৎ কি ?

উত্তর :- বাবার কাছে এক থাকে সৎ সন্তান (লগে), আর এক হলো নিজের সন্তান (সগে) । সৎ সন্তান -- এরা মুখে বাবা - মাম্মা বলতে থাকবে কিন্তু সম্পূর্ণ শ্রীমতে চলতে পারবে না । সম্পূর্ণ সমর্পণ করতে পারবে না নিজেদের । আর প্রকৃত সন্তান যারা হবে, তারা তন - মন - ধন সম্পূর্ণ সমর্পণ করবে, নিজেরা ট্রাস্টি হয়ে থাকবে । তারা প্রতি পদে ট্রাস্টি হয়ে চলবে । আর সৎ সন্তান সেবা না করার কারণে চলতে চলতে মুখ খুবড়ে পড়ে । তাদের সংশয় এসে যায় । আর বাবার প্রকৃত সন্তানরা সম্পূর্ণ নিশ্চয়বুদ্ধি হয় ।

গীত :- ছেলেবেলার দিন ভুলে যেও না

ওম শান্তি । বাবা বাচ্চাদের বুঝিয়ে বলেন । কোন্ বাবা ? বাস্তবে বাবা হলেন দুজন । এক রুহানী (আত্মিক পিতা) আর এক হলো শরীরের (ব্রহ্মা), যাঁকে দাদা বলা হয় । এ তো সকল সেন্টারের বাচ্চারাই জানে যে আমরা বাপদাদার সন্তান । রুহানী বাবা হলেন শিব । তিনি হলেন সমস্ত আত্মাদের পিতা আর ব্রহ্মা বাবা হলেন সমস্ত মনুষ্য সৃষ্টি রূপী ঝাড়ের প্রধান । তোমরা এসে তাঁর সন্তান হয়েছে । তোমাদের মধ্যেও কেউ কেউ প্রকৃত সন্তান কেউ আবার সৎ । দুই ধরনের সন্তানই তো মাম্মা - বাবা বলে থাকে কিন্তু সৎ সন্তানরা বাবার কাছে বলিহারী যায় না । যারা বাবার কাছে নিজেকে সমর্পণ করে না তারা তেমন শক্তি পায় না অর্থাৎ তারা বাবাকে তন - মন - ধনের ট্রাস্টি করতে পারে না । শ্রেষ্ঠ হওয়ার জন্য তাঁর শ্রীমত অনুযায়ী চলতে পারে না । আর প্রকৃত সন্তান যারা তারা বাবার সূক্ষ্ম সাহায্য পেয়ে থাকে । কিন্তু সেও খুবই অল্প । যদিও প্রকৃত সন্তানদের এখনই পাকাপোক্ত বলা হবে না যতক্ষণ না রেজাল্ট বের হচ্ছে । যদিও এখানেই থাকে, সেবাও করে তবুও অনেকসময় পদস্ফলন হয় । এ হলো সম্পূর্ণ বুদ্ধিযোগের কথা । বাবাকে ভুলে গেলে চলবে না । বাবা এই ভারতের বাচ্চাদের সাহায্যেই স্বর্গের রচনা করেন । এই গায়নও আছে যেশিবশক্তি সেনা । প্রত্যেকেই নিজেদের সঙ্গে কথা বলতে হবে -- বরাবর আমরাই শিববাবার দত্তক সন্তান । বাবার থেকেই আমরা স্বর্গের আশীর্বাদী বর্ষা পাচ্ছি । দ্বাপর যুগ থেকে আমরা যে লৌকিক বাবার আশীর্বাদী বর্ষা পেয়েছি সে তো নরকের বর্ষা । তাতে আমরা দুঃখী হয়েই এসেছি । ভক্তিমার্গে তো সবই অন্ধশ্রদ্ধা । যখন থেকে ভক্তি শুরু হয়েছে, তখন থেকে যত বছর কেটেছে আমরা নীচে নামতেই থেকেছি । ভক্তিও প্রথমে অব্যভিচারী ছিলো । একেরই পূজো করতো মানুষ । তার পরিবর্তে এখন অনেকেরই পূজো করে আসছে । এখন এই সমস্ত কথা ঋষি, মুনি, সাধু, সন্ত ইত্যাদিরা জানে না যে কবে থেকে ভক্তি শুরু হয় । শাস্ত্রেও লেখা আছেব্রহ্মার দিন আর ব্রহ্মার রাত । যদিও ব্রহ্মা - সরস্বতীই লক্ষ্মী - নারায়ণ হন কিন্তু নাম ব্রহ্মার দেওয়া হয়েছে । ব্রহ্মার সাথে তাঁর বাচ্চারাও অনেকেই আছে । লক্ষ্মী - নারায়ণের তো অনেক সন্তান হবে না । তাঁদের প্রজাপিতাও বলা হবে না । এখন নতুন প্রজা তৈরী হচ্ছে । নতুন প্রজা ব্রাহ্মণদেরই তৈরী হয় । ব্রাহ্মণরাই নিজেদের ঈশ্বরীয় সন্তান মনে করে । দেবতারা তা মনে করে না । তাঁদের তো চক্রের জ্ঞানও থাকে না ।

এখন তোমরা জানো যে আমরা শিববার সন্তান হয়েছি। তিনিই আমাদের ৮৪ র চক্র বুঝিয়ে বলেছেন। তাঁর সাহায্যেই আমরা আবার এই ভারতকে দৈবী পবিত্র রাজস্থান করে তুলছি। এ খুবই বোঝার কথা। কাউকে বোঝানোর জন্যও সাহসের প্রয়োজন। তোমরাই হলে শিবশক্তি পাওব সেনা। তোমরা পান্ডাও, সবাইকে তোমরা পথ দেখাও। তোমরা ছাড়া এই রুহানী মিষ্টি ঘরের রাস্তা আর কেউই বলতে পারে না। দুনিয়ার পান্ডারা তো অমরনাথ ইত্যাদি তীর্থে নিয়ে যায়। আর তোমরা বি.কে.রা তো সবার থেকে দূরে পরমধামে নিয়ে যাও। লৌকিক যারা গাইড -- তারা ভুল পথে ধাক্কা খাওয়ায়। তোমরা সকলকে বাবার কাছে শান্তিধামে নিয়ে যাও। তাই সর্বদা এইকথা স্মরণে রাখতে হবে -- আমরা এই ভারতকে আবার দৈবী রাজস্থান করে তুলছি। এ তো যে কেউই মানবে। ভারতের ছিলো আদি সনাতন দেবী দেবতা ধর্ম। সত্যযুগে ভারত বেহদের দৈবী পবিত্র রাজস্থান ছিলো তারপর পবিত্র ঋত্রিয় রাজস্থান হয়েছিলো পরবর্তীতে মায়ার প্রবেশের কারণে আসুরী রাজস্থান হয়ে যায়। এখানেও আগে রাজা - রানীই রাজত্ব করতো কিন্তু লাইটের তাজ ছাড়া সেই রাজত্ব চলে আসছে। দৈবী রাজস্থানের পর হয় আসুরী পবিত্র রাজস্থান, এখন তো পতিত প্রজাদের স্থান, পঞ্চায়েতি রাজস্থান। বাস্তবে একে রাজস্থান বলা হবে না কিন্তু নাম দিয়ে দেওয়া হয়েছে। রাজত্ব তো আর নেই। এই নাটকও বানানোই আছে। এই লক্ষ্মী - নারায়ণের চিত্র তোমাদের খুব কাজে আসবে। এর ওপরেই বোঝাতে হবে?, ভারত এমনই ডবল মুকুটধারী ছিলো। এই লক্ষ্মী - নারায়ণেরই রাজত্ব ছিলো, ছোটবেলায় যাঁরা রাধা - কৃষ্ণ ছিলো, এরপর ত্রেতায় রামরাজ্য ছিলো তারপর দ্বাপর থেকে মায়ার রাজত্ব। এ তো খুবই সহজ। সাধারণভাবে ভারতের হিস্ট্রি - জিওগ্রাফি বোঝানো হয়। দ্বাপরেই পবিত্র রাজা - রানী লক্ষ্মী - নারায়ণের মন্দির তৈরী হয়েছিলো। দেবতার স্বয়ং বাম মার্গে চলে গিয়েছিলেন। পতিত হতে শুরু করেছিলেন। তখন যে পবিত্র দেবতাদের স্মরণ মানুষের ছিলো, তাঁদের মন্দির বানিয়ে পূজা শুরু শুরু হয়। পতিতরাই পবিত্রদের কাছে মাথা নত করে। যতদিন ব্রিটিশ গভর্নমেন্টের রাজ্য ছিলো ততদিন রাজা রানীও ছিলো। জমিদারও রাজা রানীর টাইটেল নিয়ে নিত, এতে তাদের দরবারে মান হতো। এখন তো কোনো রাজাই নেই। পরের দিকে এদের নিজেদের মধ্যে লড়াই ঝগড়া যখন হয়েছিলো সেই সময় মুসলমান ইত্যাদি অন্যেরা এসেছিলো। এখন তোমরা বাচ্চারা জানো যে কলিযুগের অন্তিম সময় এসেছে। বিনাশও সামনে উপস্থিত। বাবা আবার রাজযোগ শেখাচ্ছেন। তোমরা তো জানো, কিভাবে স্থাপনা হয়, এরপর এই হিস্ট্রি - জিওগ্রাফি অবলুপ্ত হয়ে যাবে। তারপর ভক্তিতে ওরা নিজেদের গীতা রচনা করবে, সেই গীতায় অনেক তফাৎ এসে যায়। ভক্তির জন্য তাদের দেবী - দেবতা ধর্মের পুস্তক তো অবশ্যই চাই। তাই ড্রামা অনুসারে এই গীতা বানানো হয়েছে। তবে এমন নয় যে ভক্তিমার্গের ওই গীতার সাহায্যে কেউ রাজত্ব স্থাপন করবে বা নর থেকে নারায়ণ হতে পারবে। একদমই নয়।

বাবা এখন আমাদের বোঝাচ্ছেন, তোমরা হলে গুপ্ত সেনা। বাবাও গুপ্ত। তিনি তোমাদেরও গুপ্ত যোগবলের দ্বারা রাজত্ব প্রাপ্ত করাচ্ছেন। বাহুবলের দ্বারা এই হৃদের রাজত্ব পাওয়া যায়। আর যোগবলের দ্বারা পাওয়া যায় বেহদের রাজত্ব। বাচ্চারা, তোমাদের মনে এই নিশ্চয়তা আছে যে, আমরা ভারতকে সেই দৈবী রাজস্থান করে তুলছি। যারা পরিশ্রম করে তাদের পরিশ্রম কখনোই লুকানো থাকে না। বিনাশ তো হতেই হবে। গীতাতেও এই কথাই আছে। তোমরা জিজ্ঞেস করো, এই সময়ের পরিশ্রম অনুযায়ী আমরা ভবিষ্যতে কি পদ পাবো? এখানেও যদি কেউ শরীর ত্যাগ করে তাহলে মনে এই সংকল্প চলে যে, ইনি কি পদ প্রাপ্ত করবেন। এ তো একমাত্র বাবাই জানেন ইনি তন - মন এবং ধন দিয়ে কি প্রকারের সেবা করেছেন। এইকথা বাচ্চারা জানে না, এ একমাত্র

বাপদাদাই জানেন । বলেও দেওয়া হয়, এই প্রকারের সেবা তুমি করেছে । জ্ঞান ধারণ করেছে বা করতে পারো নি কিন্তু সাহায্য তো অনেক করেছে । মানুষ যখন দান করে তখন মনে করে এই সংস্থা খুব ভালো । ভালো কাজ করছে । কিন্তু আমার মধ্যেই পবিত্র থাকার শক্তি নেই । আমি এই যজ্ঞের সাহায্য করি । তখন সেই সেবার রিটার্নও তারা পেয়ে থাকে । যেমন মানুষ কলেজ, হাসপাতাল অন্যদের জন্য বানিয়ে থাকে । তারা এমন বলবে না যে আমি অসুস্থ হলে সেই হাসপাতালে যাবো । তারা যা কিছুই বানায় তা অন্যদের জন্য । এর ফলও তারা পায় । একে দান বলা হয় । এখানে কি হয় । তোমরা আশীর্বাদ দাও তোমাদের লোক আর পরলোক সুন্দর হোক, তাতে তোমরাও সুখী হও । লোক আর পরলোক, সে তো এই সঙ্গম যুগেরই কথা । এখানেই তো তোমাদের এই মৃত্যুলোকের জন্ম আর অমরলোকের জন্ম, দুইই সফল হয় । বরাবর তোমাদের এখন এই জন্মও সফল হচ্ছে, এরপর কেউ শরীরের দ্বারা, কেউ বা মন বা ধনের দ্বারা সেবা করবে । এমন অনেকেই আছে যারা এই জ্ঞান ধারণ করতে পারে না, তারা বলে বাবা, আমাদের মধ্যে সেই শক্তি নেই । কিন্তু সাহায্য তো করতেই পারে । তখন বাবা বলবেন, তোমরা এমন ধনবান হতে পারবে । যে কোনো কথাই তোমরা বাবাকে জিজ্ঞেস করতে পারো । বাবাকে অনুসরণ করতে হলে তাহলে তাঁকেই জিজ্ঞাসা করতে হবে, এই পরিস্থিতিতে আমরা কি করবো ? শ্রীমত দানকারী বাবা তো বসেই আছেন । তাঁকেই জিজ্ঞাসা করতে হবে, কিছুই লুকাবে না । না হলে এই রোগ বৃদ্ধি পাবে । তোমরা যদি প্রতি পদে শ্রীমত অনুযায়ী না চলো তাহলে অনেক বড় ভুল হয়ে যাবে । বাবা খোড়াই তোমাদের থেকে দূরে আছেন । সামনে এসে জিজ্ঞেস করা উচিত । এমন বাপদাদার কাছে তোমাদের প্রতি মুহূর্তে আসা উচিত । বাস্তবে এমন অতি প্রিয় বাবার সঙ্গে তো একসঙ্গে থাকাই উচিত । সাজনের (প্রিয়তম) প্রতি তো আসক্ত হওয়া চাই, ওরা হলো লৌকিক দুনিয়ার প্রিয়তম আর ইনি রুহানী (আত্মিক) । এতে অবশ্য আসক্তির কথা নেই, এখানে সবাইকে বসানো হবে না । এ এমনই জিনিস যে সামনে বসে থাকো তো শুনতেই থাকবে । তাঁর মতেই চলতে থাকবে । কিন্তু বাবা বলছেন, এখানে বসে গেলেই হবে না, তোমরা গঙ্গা নদী হও, সেবা করো । বাচ্চাদের ভালোবাসা এমন হওয়া উচিত - যেন মাতালের মতো । কিন্তু সেবা তো করতেই হবে । নিশ্চয়বুদ্ধি তো একদমই আটকে যায় । বাচ্চার লেখে, অমুকে খুব সুন্দর নিশ্চয়বুদ্ধির । আমি বলি কিছুই বোঝে নি । যদি নিশ্চয়বুদ্ধির হতো যে স্বর্গের রচয়িতা বাবা এসেছেন তাহলে এক সেকেন্ডও মিলিত না হয়ে থাকতে পারতো না । অনেক বাচ্চা আছে যারা ছটফট করতে থাকে । তখন ঘরে বসেই তাদের ব্রহ্মা আর কৃষ্ণের সাক্ষাৎকার হয় । তারা নিশ্চিত হয় যে, বাবা পরমধাম থেকে আমাদের রাজধানীর উপহার দিতে এসেছেন, তাহলে আমরা এসে বাবার সাথে মিলিত হই । এমনও অনেকেই আসেন, তারপর তাদের বলা হয়, তোমরা জ্ঞান গঙ্গা হও । প্রজা তো অনেকই চাই । রাজধানী তো স্থাপন হচ্ছে । বোঝানোর জন্য এই চিত্র খুবই সুন্দর । তোমরা যে কোনো মানুষকেই বলতে পারো, আমরা আবার রাজধানী স্থাপন করছি । বিনাশও সামনে উপস্থিত । তাই মৃত্যুর পূর্বে বাবার থেকে আশীর্বাদী বর্ষা নিতে হবে । সকলেই চায় এক অলমাইটি গভর্নমেন্ট হোক । কিন্তু সবাই তো একত্রিত হবে না, একও হবে না । এক রাজ্য অবশ্যই একসময় ছিলো, যার গায়নও আছে । সত্যযুগের অনেক নাম ছিলো । সেই যুগ আবার নতুন করে স্থাপিত হচ্ছে । এইকথা কেউ চট করে বিশ্বাস করবে কেউ আবার করবে না । পাঁচ হাজার বছর পূর্বে লক্ষ্মী - নারায়ণের রাজ্য ছিলো তারপর অন্যসব রাজাদের রাজ্য হয়ে গেছে । রাজারাও তারপর পতিত হয়ে গেছে । এখন আবার সেই পবিত্র লক্ষ্মী - নারায়ণের রাজত্ব শুরু হবে । তোমাদের জন্য তো এইকথা বোঝানো খুবই সহজ । আমরা শিববাবার শ্রীমত আর সাহায্যে দৈবী রাজধানী স্থাপন করছি । শিববাবার থেকে আমরা শক্তিও পাই । এই নেশা থাকা উচিত । তোমরা হলে

যোদ্ধা । তোমরা মন্দিরে গিয়েও বোঝাতে পারো যে স্বর্গের স্থাপনা তো রচয়িতার দ্বারাই হবে । তোমরা জানো যে বেহদের বাবা হলেন একজন । তিনি তোমাদের সামনে এসে তোমাদের জ্ঞান শৃঙ্গার করাচ্ছেন । রাজযোগও শেখাচ্ছেন । যারা গীতা শোনায় তারা কখনোই রাজযোগ শেখাতে পারেন না । বাচ্চারা তোমাদের বুদ্ধিতে এখন এই নেশাই ধরানো হচ্ছে । বাবা এসেছেন স্বর্গের স্থাপনা করতে । স্বর্গ হলো পবিত্র রাজস্থান । মানুষ তো লক্ষ্মী - নারায়ণের রাজ্যকেই ভুলে গেছে । এখন বাবা তোমাদের সামনে বসে বোঝাচ্ছেন, তোমরা যে কোনো গীতা পাঠশালা ইত্যাদিতে চলে যাও । সম্পূর্ণ হিন্দি - জিওগ্রাফি বা ৮৪ জন্মের কাহিনী কেউই শোনাতে পারবে না । লক্ষ্মী - নারায়ণের সঙ্গে রাধা - কৃষ্ণের ছবিও যদি থাকে তাহলে বোঝানো সহজ হবে । এই হলো সঠিক চিত্র । লেখাও যেন খুব সুন্দর হয় । তোমাদের বুদ্ধিতে সম্পূর্ণ চক্রের স্মরণ আছে । এর সাথে যিনি চক্রকে বোঝান, তাঁকেও স্মরণে আছে । বাকি নিরন্তর স্মরণের অভ্যাসেই প্রচুর পরিশ্রম । নিরন্তর স্মরণ যেন এমন পাকা হয় যাতে শেষ সময়ে কোনো আবর্তনা যেন স্মরণে না আসে । বাবাকে কখনোই ভুলবে না । ছোটো বাচ্চারা সারাক্ষণ বাবাকেই স্মরণ করে তারপর তারা যখন বড় হয়ে যায় তখন ধন স্মরণ করতে থাকে । তোমরাও জ্ঞান ধন পাও । খুব ভালোভাবে তা নিজে ধারণ করে দান করা উচিত । তোমাদের লোক হিতৈষী হতে হবে । আমি তোমাদের সামনে এসে রাজযোগ শেখাই । ওই গীতা তো তোমরা জন্ম জন্মান্তর পড়েছো । কিছুই প্রাপ্তি হয় নি । এখানে তো আমি তোমাদের নর থেকে নারায়ণ বানানোর জন্য এই শিক্ষা দিচ্ছি । সে হলো ভক্তিমার্গ । এখানেও কোটির মধ্যে কয়েকজনই আসবে যারা তোমাদের দৈবী ঘরানার হবে । অনেকে ব্রাহ্মণ হতে অবশ্যই আসবে, তারপর হয় রাজা - রানী হবে নয় প্রজা । এরমধ্যেও কেউ কেউ শুনবে ...বলবে তারপর পালিয়েও যাবে । যারা বাচ্চা হয়ে আবার বাবাকে ছেড়ে চলে যায়, তারা অনেক বড় দণ্ড ভোগ করে । কড়া সাজা পায় । এই সময় এমন কেউই বলতে পারবে না যে আমরা নিরন্তর স্মরণ করি । যদি কেউ এমন বলে বা চার্ট লেখে, বাবা ঠিক বুঝতে পেরে যায় । ভারতের সেবাতে তন - মন - ধন লাগাতে হবে । লক্ষ্মী - নারায়ণের চিত্র যেন সবসময় পকেটে থাকে । বাচ্চাদের খুব নেশা থাকা উচিত । সোশ্যাল ওয়ার্কাররা যদি তোমাদের জিজ্ঞেস করে, তোমরা কি সেবা করছো ? বলবে, আমরা তন - মন এবং ধনের সাহায্যে ভারতকে দৈবী রাজস্থান করছি । এমন সেবা আর কেউই করতে পারে না । তোমরা যত সেবা করবে ততই বুদ্ধি পরিচ্ছন্ন হতে থাকবে । এমন অনেক বাচ্চা আছে যারা সঠিক ভাবে বুঝতে পারে না ফলে নাম বদনাম করে ফেলে । কারোর কারোর মধ্যে ক্রোধের ভূত থাকে তাহলে এও তো ধ্বংসমূলক কাজই হলো । তাদের বলবেতোমরা নিজেদের মুখ তো দেখো । তোমরা কি লক্ষ্মী বা নারায়ণ হওয়ার যোগ্য হয়েছো ? এমনভাবে যারা নিজেদের সম্মান নষ্ট করে তারা কি পদ পাবে । তারা পেয়াদার লাইনে আসবে । তোমরাও তো সেনা । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা বাপদাদার স্মরণ - ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) অবিনাশী জ্ঞান রত্নের মহাদানী হতে হবে । তন - মন এবং ধনের দ্বারা ভারতকে স্বর্গ বানানোর সেবা করতে হবে ।

২) কোনো বিনাশকারী কার্য করবে না । নিরন্তর স্মরণের অভ্যাসে থাকতে হবে ।

বরদান :- মনের প্রকৃত সম্বন্ধের দ্বারা যথার্থ সাধনা করে নিরন্তর যোগী হও

সাধনার অর্থ শক্তিশালী স্মরণ । বাবার সাথে মনের প্রকৃত সম্বন্ধ । যোগে যেমন শরীরকে একাগ্র করে বসো তেমনই হৃদয়, মন এবং বুদ্ধি যেন বাবার সাথেই যুক্ত হয় -- এই হলো যথার্থ সাধনা । এমন সাধনা না হলে আরাধনাই চলতে থাকবে । কখনো স্মরণ করবে কখনো আবার প্রার্থনা করবে । বাস্তবে স্মরণে প্রার্থনার কোনো আবশ্যকতা নেই, যে মনে নিরন্তর বাবাকে স্মরণ করে সে যোগী হয়ে যায় ।

স্লোগান :- "বাবাই হলেন সর্বময়কর্তা" - এই স্মৃতিতে থেকে নিশ্চিন্ত বাদশাহ হয়ে উড়তি কলার অনুভব করতে থাকো ।